

IGEC.1.212/09/GV

IG100 - INVESTIMENTO EMPRESARIAL SUPERIOR A 500.000€ *(200.000€ PARA OURENSE E LUGO)

OBXECTO

Favorecer a implantación de proxectos de investimento empresarial superior a 500.000€ para a creación de novos establecementos, ampliación dun establecemento existente, a diversificación da produción dun establecemento en novos produtos adicionais ou un cambio esencial no proceso xeral de produción dun establecemento existente.

BENEFICIARIOS

Sociedades con obxecto empresarial, existentes ou en constitución, que cumpran:

- a) Realizar unha iniciativa obxecto de apoio en Galicia.
- b) Desenvolver no centro do proxecto algunha das actividades subvencionables.
- c) Achegar para o proxecto **contribución financeira exenta** de apoios público de polo menos un 25%, (mediante recursos propios ou financiamento externo).
- d) En todos os casos estar ao día coas Administracións Públicas.
- e) **Presentar un proxecto no que o seu investimento** subvencionable, supere os **500.000€ *(200.000€ para OURENSE E LUGO)**, que sexa viable técnica, económica e financeiramente. O Igape poderá exixir nas resolucións de concesión, un determinado nivel de fondos propios a acreditar polo beneficiario.
- f) No caso de **ampliacións de instalacións existentes**, o investimento subvencionable deberá ser, ademais, superior a 1,5 veces a dotación media para amortizacións do inmovilizado, circunscrita ao centro obxecto dos novos investimentos, nos 3 últimos exercicios pechados.
- g) Comprometerse a **manter o emprego** existente.
- h) Comprometerse a **manter** unha determinada **composición do accionariado** nos supostos en que esta represente un elemento substancial para garantir a viabilidade técnica, económica e financeira do proxecto e así se establecese na resolución de concesión.
- i) No caso de proxectos específicos de **protección e mellora medioambiental**, ademais, o obxecto social da empresa solicitante deberá contemplar como actividade principal a realización dalgunha das seguintes:
 - a. Eliminación, valorización ou reciclaxe de residuos.
 - b. Fabricación de equipamento para instalacións de xestión e tratamento de residuos, redución ou eliminación da contaminación.

SECTORES INCENTIVABLES

Os proxectos subvencionables deberán en todo caso estar vinculados a algunha destas actividades, independentemente doutra que desempeñe o solicitante:

- a) A extracción, procesamento, transformación ou produción de minerais, produtos enerxéticos ou os seus derivados.

- b) A industria.
- c) Turismo: hoteis de 4 ou máis estrelas, balnearios e baños, podendo incluír instalacións complementarias; portos deportivos de acceso público.
- d) Actividades de electrónica, biotecnoloxía, robótica, audiovisual, telemática, telecomunicación e calquera outra de avanzada tecnoloxía.
- e) Transporte e loxística.
- f) Servizos de apoio industrial.
- g) Tamén, con especial consideración, os investimentos para a creación ou ampliación de centros de desenvolvemento, investigación, ensaios ou laboratorios, xunto con instalacións de experimentación de novas tecnoloxías, vinculados ás empresas cuxa actividade principal sexa subvencionable ou aínda cando non sexa subvencionable, excepcionalmente e por acordo motivado, sempre que o interese estratéxico do proxecto así o aconselle.

REQUISITOS PRINCIPAIS DO PROXECTO

Serán subvencionables os investimentos en **bens de primeiro** uso empresarial realizados e pagados con posterioridade á recepción da notificación do Igape da ELEXIBILIDADE do proxecto e ata a data de finalización do prazo concedido para a execución do proxecto (**Non serán subvencionables os proxectos cuxa execución sexa iniciada previamente á confirmación por escrito do Igape**)

No caso de investimentos en obra civil, os solicitantes estarán obrigados a levantar acta notarial que reflicta fidedignamente con posterioridade á recepción da notificación de elixibilidade do Igape, a non iniciación da obra.

Cando o importe do gasto supere os 30.000€ por execución da obra ou 12.000€ polo subministro dos bens de equipamento, o beneficiario deberá solicitar como mínimo tres ofertas a diferentes provedores con carácter previo á contratación. (A elección entre as ofertas presentadas, que deberán achegarse na xustificación, deberá xustificarse nunha memoria a elección cando non recaia na proposta económica máis vantaxosa).

Os bens obxecto do investimento deberán ser **adquiridos** polo beneficiario **en propiedade**. No caso de adquisición dos bens mediante fórmulas de pagamento aprazado, estes tamén deberán pasar a ser de propiedade plena da empresa antes da finalización do prazo de vixencia.

O investimento terá que manterse no centro de traballo en Galicia durante os cinco anos seguintes á finalización do prazo de vixencia.

No caso dos activos intanxibles para ser considerados subvencionables, ademais deberán cumprir:

- Empregaranse exclusivamente no establecemento beneficiario da axuda;
- Consideraranse activos amortizables;
- Adquiriranse a terceiros en condicións de mercado sen que o adquirente estea en posición de exercer control sobre o vendedor, ou viceversa;

- Deberán incluírse nos activos da empresa.

GASTOS COMPUTABLES

Serán subvencionables excluindo impostos, taxas e arbitrios os seguintes:

* INVESTIMENTOS EN:

- a) Adquisición de **terreos** necesarios para o proxecto, traídas e acometidas de servizos, urbanización e obras exteriores adecuadas ás necesidades do proxecto. Contía máxima subvencionable non superará o 10% do investimento subvencionable total.
- b) **Obra civil**: oficinas, laboratorios, servizos sociais e sanitarios do persoal, almacenamento de materias primas, edificios de produción, edificios de servizos industriais, almacenamento de produtos terminados e outras obras vinculadas ao proxecto.
- c) Adquisición de **inmobles**.
- d) **Bens de equipo**: maquinaria de proceso, instalacións específicas para a actividade subvencionable, elementos de transporte interior, vehículos especiais de transporte exterior, medios de protección do ambiente e outros bens de equipamento ligados ao proxecto. No sector de transporte non son subvencionables os elementos de transporte exterior.
- e) **Outros** investimentos en activos fixos materiais incluíndo mobiliario.
- f) **Aplicacións informáticas** e adquisición de propiedade intelectual e industrial, incluíndo licenzas de fabricación e patentes, gastos de I+D e outros activos intanxibles ligados a proxectos de innovación tecnolóxica, en contía non superior ao 50% do investimento subvencionable aprobado.

* **CUSTOS DE FORMACIÓN ESPECÍFICA** do persoal para a implantación do proxecto de investimento cando as características da formación en relación coa actividade que se vaia desenvolver así o xustifique. Límite máximo de custo apoiado do 20% do investimento subvencionable do proxecto.

A intensidade de axuda para os custos de formación específica será en todo caso do 25% dos custos subvencionables para grandes empresas, do 35% para medianas e do 45% para as pequenas.

Naqueles casos de subvención ao terreo, construcións e urbanizacións por cambio de localización dentro de Galicia, a base sobre a que se aplicará a subvención será o que resulte da diferenza entre o prezo de adquisición dos novos activos e o valor dos da antiga localización, segundo informe de taxación suscrito por sociedade de taxación homologada, sempre e cando as instalacións que se abandonen fosen propiedade da empresa ou dos seus socios maioritarios, directa ou indirectamente. Se dentro do prazo de vixencia establecido na resolución de concesión da subvención fosen alleadas as instalacións da antiga localización da empresa e o importe neto da venda resultase superior ao da taxación homologada que se tivo en conta para os efectos da subvención, reaxustarase o importe da subvención concedida.

CONTÍA DAS AXUDAS

Con carácter xeral **ata un máximo do 30%** sobre os investimentos subvencionables.

No caso de adquisición de **terreos** localizados en **polígonos de promoción pública** realizada directamente ao organismo promotor, concederáse unha subvención de **ata o 50%** do seu prezo, dentro do límite máximo de intensidade de axuda global do 30% e da limitación do importe subvencionable do terreo ao 10% do investimento subvencionable total.

Para proxectos específicos de **protección e mellora medioambiental** poderáse conceder unha axuda mínima dun 15% sobre a base subvencionable e ata un máximo do 30%.

OBSERVACIÓNS

1. SERVICIOS DE APOIO. Con carácter complementario e en función do seu interese estratéxico, o Igape poderá prestar de oficio servizos de apoio previos ao establecemento de novos proxectos, a favor daquelas empresas que pretendan implantarse por primeira vez en Galicia.

Os ditos servizos, que non terán compoñente de axuda, poderán consistir, entre outros, en:

- Información e asesoramento dos trámites a seguir para a implantación do proxecto.
- Estudos necesarios para sustentar a decisión de implantación.
- Xestións de busca de localizacións idóneas para o proxecto.
- Tramitación ante organismos públicos de autorizacións ou permisos necesarios para a súa posta en marcha.
- Facilitar contactos con outras empresas ligadas á súa actividade.

2. COMARCAS DE FERROL, EUME E ORTEGAL, MUNICIPIOS DA COSTA DA MORTE E COMARCA DE VALDEORRAS:

Para proxectos de primeira implantación en Galicia, garántese unha axuda mínima do 20% do investimento subvencionable. Para proxectos de creación de establecementos que non sexan considerados de primeira implantación, ampliación, modernización ou innovación tecnolóxica, garántese unha axuda mínima do 15% dos custos subvencionables.

Nos proxectos de investimento empresarial o investimento mínimo previsto no artigo 4.1º da base de incentivos a proxectos de investimento empresarial redúcese a 200.000 €.

3. PROVINCIAS DE LUGO E OURENSE:

Para proxectos de **primeira implantación** en Galicia, garántese unha axuda mínima do 20% do investimento subvencionable nos proxectos previstos no artigo 4º.1 e para proxectos de creación de establecementos que non sexan considerados de primeira implantación, ampliación, modernización ou innovación tecnolóxica do mesmo artigo, garántese unha axuda mínima do 15% dos custos subvencionables.

Nos proxectos de investimento empresarial o **investimento mínimo** previsto no artigo 4º.1 da base de incentivos a proxectos de investimento empresarial **redúcese a 200.000€.**

Elévese o límite máximo de acumulación de subvencións do 30% ao 50% para investimentos que realicen pequenas empresas, e ao 40% para medianas empresas.

LUGO: Estas medidas serán de aplicación ás solicitudes non resoltas presentadas desde o 24 de setembro de 2009

OURENSE: Estas medidas serán de aplicación ás solicitudes non resoltas presentadas desde o 22 de outubro de 2009

PLAZO PRESENTACIÓN SOLICITUDES

O prazo de presentación de solicitudes comezará o día seguinte ao da publicación desta resolución no DOG e ata o esgotamento do crédito orzamentario, ou cando se publique a súa derogación expresa

INFORMACIÓN E TRAMITACIÓN

Instituto Galego de promoción Económica (Igape) - Teléfono: 902 300 903

www.igape.es ou informa@igape.es

Tramitación segundo o establecido no capítulo II das bases reguladoras do s procedementos de tramitación das liñas de axuda do Igape.